

Entrevue mat der Grénger Partei (25. Juni)

Di gréng Partei war vertrueden duurch d' Mme Colette Kuten, d' Mme Romaine Goergen (alle béid Conseiller), der Mme Monique Heinen, den Fränz Waldbillig, de Remy Goergen, an nach 2 weider Memberen.

Mir sin iwwereen komm, dass d'Extenssioun vun dem Container Terminal **keng negativ Inzidenzen** dierft op d'**Liewensqualitéit am Quartier Bireng** hunn, an dass de Monster **Verdeelerkrees am Nordgang vun Diddeleng en Impakt op d'Verkéiserssituatioun vu ganz Diddeleng wäert kréien**, an dass et sännvol wier fir d'1. dat generellt **Verkéiserskonzept vum Raum Diddeleng-Betebuerg-Kayl ofzewarden**, éier di definitiv Ausféierung vum Verdeelerkreess zréckbehale gëtt.

Di Gréng Partei huet awer och gemengt, dass ee misst oppassen, dass **de Poids-Lourd Verkéier net einfach bei d'Opfahrt/Ausfahrt "Centre" vun der A13 verlagert gëtt**.

Mär hunn dorops geäntwert, dass mer mat Spannung op d'Propositioun vum Verkéierexpert Romain Molitor géife waarden, den d'Verkéiserssituatioun am Raum Diddeleng-Betebuerg gudd kennt, vu dass hien och d'Etude betr. enger **zousätzlecher Bauschuttdeponie** gemat huet, zu déier de **Conseil iwwregens e negativen Avis** ginn huet (net zerletzt op Grond vum Här Molitor senger Etude - eng Etude, déi der Grénger Partei virläit).

Di Diddelenger Gréng sinn och der Meenung, dass misst drop **geuecht ginn, dass d'Compensatiounen, di de MDDI virgesinn huet, och durchgefouert ginn** (di éischt Compensatiounen musse schon am Hierscht 2013 durchgefouert ginn).